



Leizotz auzotik
Marizulo aldera
doan bidean
kokatzen da.

2015eko urtarrilaren 16a, 424 zenbakia X. urtea Andoainen eta Urnietan doan banatzen da

ATXULARKO GOTORLEKU KARLISTA

“Aurtengo sagardoa usaingarria, arina eta edan erraza izango da”

Sagardoetxeak horrela deskribatu du 2015ean edango den sagardoa. Irekiera ekitaldia asteazkenean egin zuten.

Astigarragan egoitza duen Sagardoetxeak urtero sagardoaren, sagarraren eta bilketa kopuruen txostena argitara ematen du. Aurtengoari dagokionez, hamar milioi litro ekoiztu dituzte eta oro har sagardoa “arina eta freskagarria” omen da. Uzta gorabeheratsua izan da, baina azken urteetan egindako lanari esker, geroz eta sagarrondo gehiago lantzen ari dira.

AURTENGO SAGARDOA

Sagardoetxeak dioenez, “uda fresko eta hezeak sagarraren azukreen kontzentrazio egokia ahalbidetu du, zuku arinak eta freskagarriak lortuz”. 2014ko uztak Euskal Herrian hamar milioi litro sagardo inguru ekoiztea ahalbidetu du, iazkoaren antzeko kopurua.

Sagardoa dastatu dutenek horrela deskribatzen dute: “Aurtengo sagardoa oso usaingarria da, hori-berdexka kolo-



Sagardoetxearen arabera, “Uda fresko eta hezeak sagarraren azukreen kontzentrazio egokia ahalbidetu du, zuku arinak lortuz”.

rekoa. Txinparta bikainekoa. Sagardo orekatua, edan erraza eta arina”.

SAGASTIEN KOPURUA GORUNTZ

Sektoreak sagardotarako sagarraren landaketaren aldeko apustua eginez jarraitzen dutela nabarmendu dute, “2014an 20.150 sagarrondo landatu dituzte. Dagoeneko 80.000 dira azken bost urteotan landatu diren sagarrondoak, eta aurreko urtearekin alderatuta, %25eko

gehikuntza eman da”. Txertatutako sagardotarako sagar barietateak Txalaka, Goikoetxea, Moko, Gezamina, Urtebi haundi, Urtebi txiki, Gaziloka, Mozolo, Verde agria, Patzulo, Gazi-gorri, Manttoni, Merabi, Gaziloka eta Errezila izan dira.

UZTA IRREGULARRA

Eskualdeen artean ekoizpena oso desberdina izan da. Egoera hori Gipuzkoa osoan eman da antzeko moduan.

“Aurtengo sagardoa oso usaingarria da, hori-berdexka kolorekoa. Txinparta bikainekoa. Sagardo orekatua, edan erraza eta arina”

TXOTX GARAIKO LIBURUXKA

Aiurrik datozen egunetan *Kantu Liburuxka* argitaratu du, kantuak eta sagardotegietako informazioa uztartzen dituen.

Euskal Herriko txapelketa jokatu da aurtengo Urnietako Mendi Lasterketan



Martxoaren 29an, igandearekin, ospatuko da **Urnietako mendi lasterketa**ren IV. edizioa. Aurten, gainera, lasterketa Euskal Mendizaleen Federazioak antolatzen duen **Euskal Herriko Txapelketan** bilakatuko da. Proba euskaldun batek irabaziz gero, garaipen batekin bi txapel lortuko lituzke.

Ostiral honetan irekiko dute izena emateko aukera, eta gehienezko partaidetza 400 lasterkarikoa izango da.

Ohiko bilakatu denez, mendi lasterketa Xoxoka auzoan hasi eta bukatuko da. Eguraldi ona eginez gero, azken metroak ikusteko toki ederra da.

Iaz antolatzaileek estrainekoz ibilbide luzea eta motza antolatu zituzten, eta aurten ere gauza bera egingo dute: “Bi ibilbide ezberdin prestatu ditugu, bata aurreko urteetakoaren berdina 21,6 kilometrokoa eta bestea mendi lasterketan hasi nahi duenarentzat

aproposagoa, 11,5 kilometrokoa”. Aurkari gogorrak izan baditu ere, probaren errege gaur gaurkoz bakarra da: **Jokin Lizeaga** urnietarra. Urtez urte probako marka onena jartzen ari da. Aurten irteerara sasoi-ko iristen bada, lasterketa beste behin ere irabazteko faborito nagusi izango da. Eta, noski, garaipenarekin, etxean bertan Euskal Herriko txapeldun bilakatuko litzateke.

[KIROLAK, 11. ORRIALDEA]

Egaperen ikuskizuna asteburu honetan



“Zuria, gure erara” dantza, antzerki eta musika ikuskizuna Saroben asteburu osoan zehar.

[URNIETA, 3. ORRIALDEA]

Espanian laugarren



Olatz Odriozola ziklo krosean dominetik gertu ibili zen. Asier Arregi hamargarren.

[KIROLAK, 11. ORRIALDEA]

Igeriketa lehia Andoainen



Aspaldiko partez Allurralden igeriketa lehia Buruntzaldea IKT taldearen eskutik.

[KIROLAK, 11. ORRIALDEA]